

RESPONSIO

LAVRENTII
CASTELLANI
PATRITII ROMANI

AD EXPOSTVLATIONEM
FRANCISCI VIETAE

Aduersus Christophorum Clauium.

Collegij Romani

Catal.



Locus. Iosa

inscrip.

ROMAE,
Apud Aloysium Zannettum. 1603.
SUPERIORVM PERMISSV.

1870-1871


1870-1871

1870-1871

1870-1871

RESPONSIO
LAVRENTII
CASTELLANI
PATRITH ROMANI.

Ad Expostulationem Francisci Vietæ
aduersus Christophorum
Clauium.



PRAEFATIO AD LECTOREM.



FRANCISCVS VIETA audacter sane, suum quoddam Calendarium cum toti mundo pro Gregoriano vellet obtrudere, cum diplomate Gregoriano, nullius hominis ad id auctoritate quaesita, eunlgauit. Vt vero accepit, Christophorum Clauium, virum & doctrina, & pietate insignem, in sua declaratione Calendarij Gregoriani palam omnibus facere velle, qua ex eius commentis absurda consequantur, siue vt Clauium deterreret ab incepto, siue quod solidam, & firmam rationem concutiendo, sua signimenta speraret posse fulciri; Expostulationem aduersus illum indignissimam edidit. Mibi quidem nihil agere aliud videtur, quam vt Calendarij Gregoriani auctoritatem funditus tollat. Idcirco primum quidem, opus in quo viri praestantissimi ex toto prope terrarum orbe aduocati, totum ferme decennium laborarunt, Pontificia auctoritate approbatum, ab omnibus iam Populis receptum, vni Clauio adscribit: magnam quidem laudem, si hac ille indigeret. Deinde vt Calendarium euertat, Clauij auctoritatem labefactare conatur. Hanc igitur ego Expostulationem

4
lationem ut legi, stomachatus sum, nec facere potui, quin breuiter ad illius capita responderem; non solum quia id à me mea erga Christophorum Clauium magistrum meum obseruantia postulabat; sed plane, quia videbam rem ad mores Christianos, & pacem publicam pertinere. Quis enim ferat viro maxime pio, deque bono communi optime merito adeo acerbè, eoque consilio obrectari, ut eius imminutio aut Floritatis in detrimentum, & Religionis, & publicæ utilitatis cedat? Quod si quid in Calendario Liliano Vieta habuit, quod non probaret, proferre tum debuit, cum à Gregorio xij. ad Christianos Principes, ac simul ad Henricum ij. Galliarum Regem missum est, ut à suis Mathematicis inspici, expendique iuberent, illudque reciperent, nisi meliora ipsi attulissent. Cur nunc tandem existit, cum 20. annorum usu, tam longè lateque sparsum est, tamque altas egit radices? atqui si vel nunc tandem aliquid didicit, quod solus scire non potest, cur non bene agit, ut par est bonos? ipsique ad quos ea spectat, expendere, & comprobare, proponit? Sed repente suis commentis Calendarij vere Gregoriani nomen imponit, & Gregorianum diploma præfigit? Verum, quam multa ex illo eius pseudocalendario absurda consequantur, apertissime Clauius ostendit. Ego, ut dixi, ad Expostulationem respondebo, & ipsam totam interferam. Certus enim sum non, tam ex mea responsione, quam ex ipsamet Expostulatione compertum omnibus fore. V ietam hac in re nullius duci studio bonæ rei. Atque ut à responsione distinguatur, maioribus characteribus Expostulationis verba figurabo. Sic igitur exorditur.

Accusau iamdudum Christophorum Clauium

Vere ne ait Vieta, Christophorū Clauium à se accusatum? si enim reuera accusauit, primum debuit dicere, apud quos accusarit, & quando. deinde num recepta accusatio sit: præterea cur ferant Principes eum, qui reus est, contra diuinum, humanumque ius facere. Sin autem nulla fuit accusatio legitima, imo vero nulla fuit omnino, quid opus fuit inferius & Canonem, & Rubricam citare? Vieta qui profertur à se calesium motus orbium optime conciliatos, explicet quæ ratione sua hæc pauca verba conueniant; utque illic Calendarium nouum, ita nouam hic Dialecticam cudad, si placet.

De corrupto Calendario Romano.

Grauißimum sane crimen est, id corrumpere, quod ut syncerum
confer-

conseruaretur, tantopere semper à summis Pontificibus & Concilijs
& vniuersa Catholica Ecclesia laboratum est, ac merito laboratum:
si enim Calendarium vitiosum est, & humanarum, & diuinarum
rerum ordo, & tempestiuitas perturbatur. Sed huiusmodi crimen
Calendarij Romani corrupti, in Clauium, an in Vietam cadat, ipsa
Calendarij explicatio demonstrat. En autem vt Clauio tribuit con-
fectionem Calendarij Gregoriani. Quamuis enim vnus Clauij nomi-
ne sapientes omnes, qui in eo consiciendo desudauerunt, & Principes om-
nes, ac populos, qui receperunt, accuset ac damnet, neque id ipse ignoret:
tutius tamen, ac certius putat à se omnes pariter vulneratum iri, si
ictum in vnum intendat.

Quam enim diuinum, & augustum est Gregorianum de anni
restitutione diploma, tam profana, & infelix est Gregoriani
diplomatis Clauiana executio, defensioque.

Ergo cum Clauius Calendarium corrupisset, Gregorius xij. P. M.
diuinum augustumque diploma condidit, quo Calendarium illud
corruptum à Clauio Ecclesie vniuersa proponeret amplectendum.
An id ausus est Clauius, quod Vietam & Pontificium diploma, in scio
Pontifice, Calendario à se corrupto præfixit? & felicius in malo faci-
nore fuit Clauius, quam Vietam in bono? qui in Curia totius, totque
excellentium Astronomorum, qui vndeque accersiti fuerant, &
ipsiusmet Gregorij oculis, cum diuinum augustumque diploma cor-
rupto Calendario præposuit, assequutus est, vt orbem terrarum vni-
uersum, vrbem refertissimam & curiosis, & acerbis inspectoribus,
ipsum Pontificem cautissimum, & oculatissimum lateret: quod nunc
assequi tam longe positus, tam omnibus alia agentibus, in correcto à
se Calendario, vt ait, Franciscus Vietam non potuit? Num diploma il-
lud Gregorius in incertum condebat: & olim quandoque nascitu-
rum Calendarium comprobabat? ac veluti subscriptam paginam Vie-
ta tradebat, vt post tam multos Pontifices, viuo & Dei Ecclesiam
sanctissime felicissimeque administrante Clemente, & plurima ad
pristinam pietatis normam emendante, ipso plane in scio, Gregorius
quidam Vietam in Gallijs Calendarium emendaret? O Mathematicum
hominem, qui hæc qualia sint, vel non videt, vel putat quem-
quam hominum sanum fore, qui non videat.

Sofigene vsus erat **Gregorius Aloyfio Lilio**, cuius fato prærepti aduersaria cum non intelligeret **Clavius**, deprauauit miserè, & in contemptæ Religionis crimen incidere maluit, quocumque periculo subuersurus omnia, quam rerum imperitus videri.

Qui nam, rogo, sunt famosi libelli, si hac Expostulatio est? Sed hic bonus vir semper ibidem haret: quo facilius Calendarij Gregoriani auctoritatem evertat, eius compositionem totam Clauio affingit. Verum licet ipse dissimulet scire se, qui viri ad illud opus operam contulerint, non idcirco alij ignorant. Notissimum enim est, & memoria adhuc superstitum, & literarum monumentis celebre, interfuisse correctioni Calendarij permultos, & præstantissimos Mathematicos, ac præ cæteris interfuit Antonius Lilius rerum Mathematicarum egregie peritus, Aloysij frater germanus, qui inde usque ab initio fratrem in conscribendo eo libello adiuuerat: nibilo minus mentis Aloysij hac in re conscius, quam ipsemet Aloysius. Itaque cum ijs consultationibus, quæ de correctione anni habebantur, is & permulti alij interessent: si quæ Clavius in Aloysij aduersarijs non intellexisset, explicare poterant: nec passuri ullo modo erant, (nisi eos aut plane impios Vieta, aut stipites putet) ab uno homine ad imperitiam suam obtegendam subuerti omnia. Quamquam facile est animaduertere, Clavius ne, qui usum Ecclesiæ antiquum retinens, tantum ea explicat, quæ in hominum doctissimorum consensu decreta fuere, & Pontificia Gregorius auctoritate sancit: an Vieta subuertat omnia, qui inauditum anni principium, & alia noua inducens sua temeritate quocumque periculo à Gregoriano diplomate patrocinium querit.

De ipsius in Mathematicis rebus, & Theologicis peritiâ, vel imperitiâ, nihil ad me attinet pronunciare. Pronunciabo, neque perperam, si necesse habuero. Sed qualiscumque sit Mathematicus, falsam periodum Lunarem induxit ad Epactarum æquationem.

Extant multa Clauij opera, quæ qualis eius doctrina sit, ostendunt. Pronunciet id ipsum quantumlibet Vieta, dummodo pro sua dignitate, non perperam. Nam hic quidem dum comminatur, olim se, si necesse habuerit, non perperam pronunciaturum, interim cum nullo modo nec

101

do nec necessarium, nec aequum sit, perperam pronunciat. Non enim falsa est ea Lunaris periodus, neque Clavius induxit, sed à Ptolemaeo, Alphonso, Copernico, & alijs accepit, quod Mathematicus excellens ignorare non debuit. Sed more institutoque suo Vieta, quæ bona sunt, à se facilius, in Clavium derivata, quam in suis fontibus, vitari putat posse.

Synodos in panselenis, aliquando collocaturus, & panselenos in Synodis. Quod si quomodo est errare, est abs paroemia, τὸ παράπαν τῆς ὁδοῦ cum panseleni mediæ medijs synodis opponantur ex diametro οὐ ψευδολύτως.

Iam diu antequam Vieta liber exiret, optime vidit Clavius incommodum illud in aequatione Epactarum Liliانا contingere, quod non ob periodum lunarem accidit, ut falso criminatur, cum ea periodus veterum Astronomorum sit, & quam etiam ipsemet Vieta usurpat. Verum id incommodum tandem futurum est post longissimum tempus: simulque rationem præscripsit Clavius: qua illi sit occurrendum, aequationemque Liliæ correxit. At Vieta in idem plane incurrit, nec sentit errare se τὸ παράπαν τῆς ὁδοῦ, nec remedium ullum affert: immo vero cum paramias norit, non veretur alienis offendi verrucis, quæ propria habet tubera, aut, ne illud in se coniiciatur, ἄλλων ἰατρῶν αὐτῆς ἔλκεα σφύρω.

Et qualiscumque sit Theologus, profanum anni ad solemnia principum adsumpsit, ex quo sequuta est absurda Epactarum ordinatio, & iniqua, & prodigiosa mensium partitio, Neomenia Paschali ab alijs legem accipiente, ἀνω ποταμῶν ἱερῶν, cum vera Theologia à verbo Dei, & Beatis Patribus accepta, non etiam, ut Adiaphoristæ censent, Hebræa, & superstitiosa, eo ipsomet adfertore, doceat mensium primum esse Nisan dignitate, & ab eo renouanda anni solennia, ac idipsum Ethnicæ religionis cultores in suis peragen dis sacrorum ritibus suboluisse, non sine magno veræ religionis nostræ mysterio, quod nefas fuit contempsisse.

Principium anni, quo nunc Ecclesia vititur, profanum nec debet dici,

diei, nec est. Illud enim est, quo post Nicenum Concilium oſa eſt ſemper: ex quo recte in Calendario Epactæ ordinate ſunt: neque villam ſue iniquam, ſue prodigioſam partitionem Gregorius xij. approbavit. Neque Collegium illud doctiſſimorum hominum, qui ad anni reſtitutionem coniuncta opera, & induſtria feliciter collaborarunt, contempſit primi menſis paſchalis ab 8. die Martij inceptionē, cum id optime noſſet à Nicænis Patribus, quos duces ſequebatur, obſervatum. Sed inde Cycli ordinationem inchoare noluit, quia nulla neceſſitas poſtulabat. Et illi ipſi Nicæni Patres hoc contempſere, cum diei 8. Martij non aureum numerum 1 ſed 16. adſcripſerint; præſertim cum Cyclus à qualibet Epacta incipere poſſit, ac proinde etiam à xxij. diei 8. Martij aſcripta in Calendario Gregoriano. Quid eſt autem tot ſeculis ex vno deductum fonte annorum curſum nunc aliunde euocare, niſi ad antiquitatis contumeliam ἀνα τοῦ ποταμοῦ, vel quod item non licet, fluminis alveum detorquere?

Ergo falſæ periodo Lunari Clauianæ veram, ac vere Lilianam, & Gregorianam oppoſui.

Periodus illa, ut dixi, nec eſt falſa, nec Clauij, quam Lilius quoque recepit, & Gregorius cōfirmavit. Immo, neque Franciſcus Vieta aliā periodum lunarem agnoſcit; ut mirum ſane ſit, hunc Correſtorem aſſerere, ſe Periodo Lunari Clauiana, hoc eſt, ei, qua ipſe quoque vtitur, veram, ac vere Lilianam, & Gregorianam oppoſuiſſe. At is non periodo lunari aliam periodum, ſed ſolum Calendario Gregoriano falſum ac vere Vietæ oppoſuit, qua in re, non ſolum eſt Mathematicus excellēs, verum etiam pluſquam diuinus. Qui enim nec Liliū nouit, nec Gregorio cognitum unquam fuit, Liliānum tamen, & Gregorianum Calendarium cum principio anni nouo, quod neuter unquam ſomniavit, in lucem protulit: ut vere uterque poſſet dicere, αἱ πόλεις αὐτοῦ καὶ τὰ ἱερὰ;

Et profano anni aſſumpto principio, principium à Patribus Nicænis ex lege Dei præfinitum.

De anni etiam principio ſatis dixi: quod profanum Vieta nec debet dicere, nec putare; ſi ita nominare & exiſtimare vult, ut ſancta Eccleſia Catholica exiſtimat, & nominat; quæ eo ſemper eſt

9

usa, & à profanis suo sancto usu secernit, & hic etiam illud è sacris locum habet, quod Deus purificauit, tu commune ne dixeris. Nec ipse principium à Nicænis Patribus, ex Dei lege præfinitum inducit, sed nouum inauditumque in Ecclesia, quod nuper ex sui Computi lege consensit, in totis Auzopis Cadiçor.

Ex quo sequuta est consentanea Epactarum ordinatio, ac re-
cta, & æqua mensium partitio, Neomenia paschali cy-
clum inchoante, & ab ea reliquis anni Neomenijs legem,
vt decebat, secundum diuina Patrū decreta, accipientibus.

*Atqui liber Explicationis Calendarij docet, quam dissona Epacta-
rum ordinatio ex initio anni Vietæ nouo oriatur. Quod si adeo certus
est, vt præse fert, de sua recta Epactarum ordinatione, quid timet
Clauij refutationem? Qui videt planè à se quippiam demonstratum,
contra sentientium, ac disputantium argumenta etiam amat. Par-
cius igitur & se iactet, & aliorum nomini detrahat maledictis. ni-
hil veritate robustius, atque adeo securius. ipsa se prodet, ac tuebitur.*

Prolato ea de re libello, & auctoritate regia summo Pontifici
exhibito, sub titulo relationis Calendarij vere Gregoria-
ni ad Ecclesiasticos Doctores, quorum iudicio, & censuræ
me, meumque scriptum submissi.

*Hic multa sunt, quæ Vietæ, vt opinor, si reuocari facta, ac dicta
possent, nec facta, nec dicta vellet. Quæ enim erant partes hominis pru-
dentis, ac pij, si quid super Calendario haberet, quod in commune
proferendum putaret? tum maxime, cum omnes Catholici in Calen-
dario iam restituto acquiescerent, & illud vere Gregorianum, vt est,
putarent? Nonne prius sua consilia debuit aperire Pontifici, quam
ullo ea titulo notare? Dum Pontifex e a cognosci, & examinari iubet
diligenter, ac diu, vt decet, in re tanta post correctionem adeo recen-
tem, ne Pontificijs decretis ulla posset leuitatis inharere suspicio, non
ne expectare consensum Pontificis debuit, antequam imprimeret?
Etsi hic errauit, quid deinde? Ait exhibitum libellum fuisse Pontifi-
ci. fac exhibitum fuisse, nonne dum Pontifex responderet, interim
contineret catero? Si quid erat noui moliendum, necesse erat Calen-
darium, quo nunc Ecclesia utitur, abrogare, approbari Vietæ, ac*

promulgari, ut perturbatio nulla esset. Atqui *Vieta* non modo antequam eius libellus ad manus, sed omnino antequam eius consiliorum ullus rumor ad aures Pontificis perveniat, novum Calendarium edidit, titulo Calendarij vere Gregoriani inscribit, imprimit, atque evulgat, & Gregorij diplomate armat. Qui sic agit, videturne se Doctorem Ecclesiasticorum iudicio, ac censura submittere? Percommode etiam id appellat scriptum, quod imprefferat: ut si vellet suppressere, non posset. nonne hoc est Pontificem ludere, & omnia perturbare: ut duo Calendaria in Ecclesia inter se valde discrepantia & contraria, & utrumque cum Pontificio diplomate circumferatur? Vtrum sequens fidele? Gregorianum, an (ut ait hic) vere Gregorianum? Quid est vere Gregorianum? Illud ergo, quod Ecclesia à Gregorio propositum est, & quo usa est adhuc Ecclesia, hodieque utitur, est falso Gregorianum? Stultissimus igitur Gregorius, caci qui consequuti Pontifices, & selectissimi illi Mathematici falsi, & fraudulentissimi, cuncti mortales, præter *Vieta*, cuius auctoritas, Denique quare ex *Vieta*, qui cum citet leges, & canones, non ignorabit, quod sit iudicium in eos constitutum, qui Pontificias literas supponunt, quid intersit inter eius crimen, qui falsum diploma subijciat, atque eius, qui vero abutatur, ad suam voluntatem, inscio, inuitoque Pontifice.

Non autem erat æquum indicta causa reum condemnari.

Postquam emissus liber in vulgus est, si condemnatur, numquam is indicta causa condemnatur. Ipse enim causam & pro se, & quod hic homo noster) contra se dicit: idem sui patronus, & accusator, idem testis utramque in partem.

Itaque libelli mei copia facta Clauio à biennio est.

Et quidem impressi bonis characteribus, cum titulo Calendarij vere Gregoriani, & cum Gregoriano diplomate, quod ut vidit, exhorruit: quamquam non à biennio, ut *Vieta* ait, sed paucis ante mensibus copia facta est.

Quæ igitur Clauij partes erant æqui iudices?

Pronunciate quique estis æqui Iudices; Clauij, qui Clementis 8. iussu explicationem Calendarij veri, vereque Gregoriani scribebat, qua partes erant in causa, (ut *Vieta* optime novit) publica, in qua

de my-

de mysterijs nostræ religionis agitur, & Reipublica Christiana concordia, & diuina summi Pontificis auctoritate? Nonne si quæ Calendaria aliunde existerent, honesta facie Gregoriano Gregorij auctoritate aduersantia, ijs personam detrabere? eorum errores coarguere, ac proferre in lucem? Pontificiam auctoritatem defendere? nec Gregorio mortuo, nec Clementi felicissime uiuo, nec cæui fidelium uniuerso sinere imponi? conitti denique, quantum in se esset, ut pax publica, ritus antiqui Ecclesiæ nullo modo conuellerentur? Hæ egregij & Mathematici, & viri partes, id est, Clauij erant: & quidem præstitit plus aliquanto, quam Vieta gratum habeat, sed hunc commune bonum dolori suo praponere æquum est, sibi que dumtaxat in se qui inconsideratius abripi se est passus: Clauio etiam gratias agere, qui dedit operam, ut eius peccatum quàm minime noxium esset.

Suumne errorem ultro agnoscere, & confiteri, in causa præsertim publica, in qua de Mysterijs nostræ Religionis agitur, & Reipublicæ Christianæ concordia, & diuina summi Pontificis auctoritate? Id quidem ab homine Theologo è Societate Iesu, ὁ ἰσὼ τὴν τὴν καὶ τὰ ἡδὴ sperandum maxime videbatur.

Quem quæso errorem Clauius agnosceret suum? Multa edidit in lucem, si qua in re non collimauit, gratiam certiori ingenio habebit. Calendarium Clauij quis vidit? Extat eius quidem Apologia præ Calendario Gregoriano contra Mastlinum Hæreticum; & Castigatio in Iosephi Scaligeri Castigationem. In his ubi attulit suæ, si quid minus recte docuit, doceat Vieta, & ultro agnoscat Clauius errorem suum. Desinat tamen Gregorianum Calendarium, quasi Clauij esset, exagitare: memineritque religionis, concordia publicæ, Pontificiæ auctoritatis. Verum (ut sæpius dixi) intelligit homo cuiuscuius rei cupidus, obtrudi Vietæ non posse Calendarium, nisi Gregorianum extrudatur. Palam cum Gregorio pugnare non audeat, videtur tamen sperare, vulnerari posse Pontificem per Clauij latus.

Sed quocumque res euadat, vix eo adducimur, ut condemnemus nostræ, probemus autem aliena. Rapimur omnes *philautia* quantamcumque simulemus sanctitatem, & qua possumus arte, veritati vim facimus, ne vinci villo modo videamur,

mur . etiam sapientibus cupido gloriæ nouissima exiuitur .

τὴν καυδοξίαν ὡς πλεονταῖον χρώνα ἢ ψυχῇ πίκουσαν ἀποτίθισθαι .

Bene est, quod se non excludit ex hominum numero. Cogitet igitur Expostulator, utrum vero similis sit duci εἰκαστῆς, cumne, qui in Calendario quidquid egit, nihil egit sua sponte, nihil solus, nihil temere, sed iussu Pontificum summorum: in consilio sapientissimorum hominum: summa cum prudentia, & cautione, ut nihil dicam de homine ipso, plane ἱερῶν τῶν τίχων ἔχ' τὰ ἦδη, cuius perspecta annis plurimis est in urbe tanta rerum scientia, nihilo minor moderatio; ac dignitas: An cum, qui se se inferat, nullius iussu, aut hortatu, ad quem id pertineret? solus secum quadam commentus, non adeo bonis artibus impressit primum: mox etiam precipitanter euulgauit: postremo, cum, ea ne refutarentur, metueret, nouum hoc famosæ Expostulationis genus enomuit?

At pertinuisse ad Clauium in eo, in quo constitutus est, reatu, recriminatione uti, id vero nemo iure dixerit. Ait enim lex, ait Canon. Neganda est accusatis licentia criminandi, priusquam se crimine, quo premuntur, exuerint, secundum scita veterum Iuris auctorum: sed neque potuit is Doctor in re propria licentiam sibi tribuere sententiæ. Verat enim Rubrica, Ne quis in sua causa iudicet, vel ius sibi dicat.

Non potest nisi prudentissimus utroque in Iure videri, qui Canonis, & rubricas ita opportune habet in promptu, sed nolo ego ineptus esse in nugis.

Nulla tamen diuini, & humani Iuris habita ratione, Clauius calumniatur, ut meo nomini, & famæ apud summum Pontificem detrahat.

Vt diuini humanique Iuris ratio postulabat, sine ulla contumeliosa Expostulatione, & calumnia, Calendarium Gregorianum, quod opere publico accusare Vieta sibi fas esse duxit, publica responsione Clauius putauit sibi licere defendere. qua lis non rubricis, & Canonibus, sed Astronomico calculo decidenda fuit. Neque vero is est Clauius, qui de cuiusquam nomine, ac fama quicquam velit detractum; neque

neque is Pontifex, qui aures detrahentibus praebeat. Quo loco non cogitat Franciscus Vieta, si à se unquam accusatus est Christophorus Clavius, nunc accusari Clementem xij. qui cum solus huic iudicio debeat praeesse, sinat Clavius per contemptum diuini humanique Iuris recriminatione uti; & in re propria licentiam sibi tribuere sententia.

Pluribus autem, quas ad plures conscribit, literis significat, se meum libellum plane refutasse in libro nouæ restitutionis Kalendarij aliquando, si Deo placuerit, in lucem emittendo.

Negat Clavius, à se literas hac de re ullas ad quempiam scriptas, nisi vnas ad Doctorem Adrianum Romanum, qui rogauerat, quid ei de Calendario Vieta videretur. Neque crimen fuisse id scribere, à se factum, quod summa cum laude fecit in eo libro, qui (nescio an Vieta) sed Deo tandem placebit, ut in lucem emittatur.

Quæ ista contumelia est Clauī, quæ insolens, & vana iactantia? An ideo si conatus es, ut pro tuo Iure potes, meum libellum refutare, tu refutasti? Prodeat conatus ille tuus, & ego volente Deo, eum infringam cras, atque hodie.

Bona verba Francisce, non hac in angulo loqueris, sed omnium offere aures atque oculos, quid putas de te existimaturos homines, qui nouere Clavius? (qui autem non nouere?) dum te vident homini moderatissimo, & sacerdoti, (retorquebo in te tua) tanta cum insolentia; vanitate, iactantia, contumeliā dicere? Ille eius conatus prodibit, effringe tu vel hoc momento, si tantum potes; vel si non hodie, crasue potes, infringe perendie, alio, atque alio die, anno, seculo. Deum habebis volentem, si bonum quid voles.

Non is est ordo Iudiciorum, & processus. Te falsum Mathematicum, si quidem Mathematicus es, demonstraui; & falsum Theologum. Itaque quando te reum peragere consilium est, dicenda tibi causa est iuxta formam Constitutionum, non loquendum ex plaustro. Et si *per angulos* meis te

conuinci neget, paralogismata mearum demonstrationum coram Iudicibus, in quos consensum est, detegenda, & indicanda, priusquam eorum iudicio absoluaris. Ante vero absolutionem nullius sunt momenti ἀποκρίσεις ἀλλὰ τῶν ἰσχυρίων σου.

Vter Theologus, ac Mathematicus falsus sit, Vieta an Clavius, ali quanto apertius, luculentius, & humanius liber Explicationis Calendarij, quam hic Vieta demonstrabit. Ex quo item manifeste apparebit, quam absurda sint Vietae περὶ ἡμετέρας, quamque firmæ, cuiusque momenti Clauij sint rationes, quibus ea refutantur, Vter vero loquatur ex plausu, quin potius, ὅτι ἀμαρτάνεται καὶ τοιοῦτον ἡμετέρας liberalis hæc Expostulatio loquitur. De Iudicibus, causæque dictione non addo verbum, sententia ab idoneo Iudice feretur. ceterum & hominum genus totum Iudex esto.

Et quæ te de libro nouæ restitutionis Calendarij noua sollicitudo tenet, cum sit is iam à me editus, qui vel à die diplomatis locum, vt par erat, & vim obtinet.

Vix duobus ab hinc annis editum Vietæum Calendarium est, diploma iam viginti. A die igitur diplomatis, Vieta opus, id est, duo de viginti annis antequam esset, vim obtinuit. Quis neget locum habuisse antequam esset, quod postquam capit esse, nullum habet: ex eo genere verum, quibus optimum est non nasci, proximum quam citissime aboleri.

Tua, quam meditaris, editio intempestiua est, & aspernanda deinceps, vt falsa, & plagiaria. Falsitatem vel repetita dies arguet. Plagium meus liber, mea, inquam, relatio Calendarij vere Gregoriani firmamenti Theologicis, Politicis, & Astronomicis vndique muniti. Δις δὲ τίς τὴν ἡμετέραν. Sed cum alienum ius præripere, tibi sit animus, & consilium, non tuum est, Clauij, ἡμετέρας ἀρκεῖται ἡμετέρας μετολογεῖται.

En hominem de se humaniter sentiētem, cui meris liceat εἰσαγγεῖν

& ἀλαζονίαν notare alienam. In manifestis deprebensus errori-
 bus est Astronomicis, peruertit ritus, qui ad hanc diem in Ecclesia,
 inde usque ab antiquissimis temporibus viguere: contra pacem Rei-
 publicae aperte facit. & ait, Δις ἔ τρις πάλιν. ut scilicet qui vel-
 lent dicta dicere in eum, qui & Theologicas, & Politicas, & Astrono-
 micas res peruerteret, haberent in proximo materiam, in locum quem
 male occupat λ, tantum κ, inserto. De Plagio verò quid ait? Vere ne
 suspicatur, Clauium sibi praecleara illa dogmata suffuratum? atqui
 illa, Δις ἔ τρις πάλιν. Edet igitur Clauius in lucem, si non sua,
 tamen bona. Verum cui sano occurrat huiusmodi plagij suspicio, cum
 iam diu omnibus notissimum fuerit Clauium in Explicatione Calen-
 darij Gregorij versari, & plurimi norint; eam, priusquam Vieta ap-
 pareret, fuisse absolutam, etiam tum fuisse edendam, nisi ipse fecisset,
 cur aliquid videretur in eius commendationem addendum: quin
 etiam illud docti iudicabunt, qui & Apologiam Clauij iam diu edi-
 tam; & quae inde Vieta in suum Calendarium transtulerit facile
 animaduertent; uter, Clauiusne, an accusator sit plagij reus. Nam
 & equationem Solis in quadringentesimum annum, & equationem
 Lunae in annum trecentesium, cum cautione in viginti quinque
 centenarijs adhibenda; Denique Epactarum Cyclum perpetuum,
 quem noster Clauius primus in Calendario, quod Gregorius Ponti-
 fex emisit, ex Lily tabula expansa coactum in summam, ac breue cō-
 pendium contraxit, & in sua contra Mastlinum defensione, ac tan-
 dem in Explicatione Calendarij repetiuit; fortasse verè non suspicio-
 se quis dixerit, è Clauiano fonte Vietam deriuasse ad irrigandum
 hortulum suum: cum omnia haec Clauius Vieta prior in lucem edi-
 derit. hoc vel repetita dies arguet. Nec vero cuiuspiam Ius prærip-
 re fuit animus Clauio, aut consilium, sed Iure sibi inusu Pontificis
 concesso Explicationem Calendarij suscepit, atque perfecit. Quod si ni-
 hil peccasset Vieta, non tamen persuadere sibi deberet, fontem à se in-
 geniorum exhaustum fuisse: quandoquidem multum supersuit post
 Platonem Aristoteli, post Aristotelem alijs multis, nec minus in
 Mathematicis rebus numerosa est praestantium hominum virtus.

Odium autem Pontificium, quod vt in me concites, mala arte
 eniteris caue sis, ne in te potius sentias exacerbari. οἷόν τ' ὃ
 καὶ πύχει ἀντὶ ἀλλοῦ καὶ πύχων, ἢ δὲ καὶ βουλὴ τῷ βέλτερον καλῶν.

Veretur ne arte cuiuspiam mala immerito sit odio Pontifici, cum
 ipsemet

ipsemet fecerit, quare ei merito esse odio debeat. Etenim in causa Religionis, & publica, & in qua de suprema summi Pontificis agi auctoritate proficitur, id ausus est, ut dedita opera tentare Clementiam Pontificis visus sit; cuiusque in se odium iustissimum concitare, quod nunc quidem exacerbare cessat, dum Expostulationes huiusmodi spargit. Audite aquī iudices, & considerate, quo pertineant, quae subiicit.

Quid enim si protestantes veram anni rationem, quam syncre ex Gregorij mente retuli, amplectantur, eamque à se, non à summo Pontifice agnoscant?

Quærit quid sit futurum, si Protestantes relata à se anni rationem recipiant. facile est dicere: recipient, qui sacrosanctum Christi Evangelium re vera non recipiunt, sed Vieta, *πείσθητε τοις ποιῶσι τὰς ἐντολὰς τοῦ κυρίου*. Qui conuenit in tali negotio ullam facere talium mentionem? Clauio an Pontifici minitari? fac boni aliquid inueneris, eò ne inuenisti, ut hostes armares? Non semper quamuis in bonum, quæ à bono fit, mutatio est laudabilis. Itaque quod elaboraueras, debuit a te supremo sacrorum Antistiti offerri, ut si videretur, quomodo, quando videretur, proferret: non autem repente in vulgus ea ratione emitti, ut impia Hæreticorum dissidia enutres. Quo tandem hæc verba nunc pertinent, nonne ut occasione imminentes omnia incendendi oblata à te facis admoneas? Sed illud est commodi, quod ista fax plus habet fumi, quam lucis. Tu scilicet syncre anni rationē ex Gregorij mente retulisti, qui Calendario Gregoriano omnino contrarium opponis tuum? Agnoscant igitur quatumuis à se Vietaam restitutionem Protestantes. Nam falsam, & Ecclesie aduersariam ritibus, à Pontifice nemo potest agnoscere. Quid tum tu? (nam te pium existimo) nonne malles nullum tibi fuisse ingenium, quam id fuisse, quo pro nequissimis desertoribus contra Dei Ecclesiam militares?

Cui tam obstinate falsam tuam, & præterea absurdam, & prodigiosam tribuis, itaque auctoritatem defugiat, immò vero te falsum Procuratorem, & defensores is aliquando redarguat?

Urget constanter, ne dicam, obstinate propositum. Pergit Calendario

dario Greg. sapientissimis Viris, qui cōfēcere; ijs qui consciendo prae-
 fuere: Pōtīficibus qui approbatū Ecclesia proposuere. Principibus, ac
 Rebus publicis, & Populis omnibus, qui recepere, Clauij nomine ma-
 ledicere. Enimuero periculum est, ne Pontifex recepto à Protestantibus
 Vieta Calendario ab ijs discat veros Ecclesia ritus, & Clauium
 veluti falsum Procuratorem, & defensorem, tandem aliquando re-
 darguat; tum scilicet, cum Calendarium à Protestantibus Petri suc-
 cessor acceperit, & ab Hæreticis Christi Vicarius didicerit, quo Ec-
 clesiam errantem corrigat. Prò Deus immortalis, nunquam id vene-
 rit in mentem Vieta dicere, quamuis dicat.

Annum correxerat Iulius Cæsar, idemque Magnus Pontifex.

Cum autem Iulianam anni ordinationem sacerdotes exe-
 querentur male, errorem sustulit Augustus Cæsar, idemq.
 Magnus Pontifex. Quo nomine, non minor ei, quam Iulio
 decessori, gloria tributa est. Magna Magni Gregorij circa
 anni restitutionem gloria. Sed non minor Magni Clemen-
 tis, cum te male feriatum computatorem, tuasq; falsas pe-
 riodos, & hypotheses in constituendo anni principio legi
 diuinæ repugnantes, reiecerit, & legitimam diplomatis
 Gregoriani exequutionem Breui Apostolico edixerit. Et si,
 ne id obtingat, os Pontifici ad tempus præsens oblinas, re-
 bus serenis tenebras obducens, ἡ βασιλεύς, ὡς ἄνθρωπος, εἰς ἀχρηστία-
 γνῶσιν: at te vnum exlegem, vt ad tuas calumnias redeam,
 nemo feret.

Non est, quòd inepta eruditione Romanis Pontificibus illudas.
 quæ, rogo, Magna Magni Gregorij circa anni restitutionem gloria,
 si corruptum Calendarium auctoritate Pontificia promulgauit? Quo
 pacto non minor Magni Clementis, si ad præsens tempus oblini os si-
 bi à Clauio, & rebus serenis tenebras obduci in causa religionis, &
 publica; & Ecclesiâ in errore patitur permanere, quoad Magistros ha-
 beat Protestantés? Est sua, est vtrique Pontifici vere Magno, &
 aliunde multis modis, & hinc solida sinceraque gloria. Gregorio,
 quod Calendarium restituit: Clementi, quod à te destrui non finit.
 Nam pro iniquissima contumelia, hoc tantum respondeo, & amice
 moneo. Vieta non rectam insidias viam: apparet te esse commotum:
 apparet

apparet esse intemperantem, praeferoce, contemptorem. Tu quidem eruditus es, nosse quam celebre sit, ἡ δὲ λέξις τὸ βίον esse sermonem. Quid oportuit hac scommata intrudere? An mihi, si sales amem amari-
 ores, in te, qui spondes agrotantem annum mox melius tua opera habiturum, auspiciū non commode suppeditet Aristophanæ auis? Sed ego malo te, postquam deferbuit impetus, nunc tandem à te ipso reprehendi.

Tu nisi monitus resipiscas, crimina, quorum reus es, necesse habes diluere, & interea Cōstitutionibus Ciuilibus parere.

Nemo est bene sentientium, qui Clauium vilius reū criminis putet: quin potius ei debere se omnes multum profitentur, quod Calendarium Gregorianum explicat, & quæ in illud vel impie, vel temere obiecta sunt crimina diluit prudenter, ac pie. Neque ulla est Cōstitutionum Ciuiliū, neque ullus Canonum, cui non paruerit, nullum unquam Pontificium diploma attrectauit; nullum sine Pontificia auctoritate de rebus ad Religionem spectantibus librum euulgauit: nihil denique eorum unquam cogitauit, quæ Vieta, postquam fecit, ἐν τῇ γράμειναι, & minuitur etiam ijs, quibus minime deberet.

Sed vos obtestor, Venerandi Patres, & Antistites è Societate Iesu, vestra in vestrum collegam auctoritate de eo inquirete, causaque cognita, καὶ μὴ δεινὸν πρὸς ἑαυτοὺς, Omnino pertinacix suæ, & liuori obstitite; ne cum suis falsis, & infelicitibus Apologeticis de Apostolica Sede quàm male meritus, is solus in causa sit investri Collegij contumeliam, & opprobrium, cur ab omnibus gentibus, quæ Romano Calendario solebant vti, idem felicissimis Gregorij xij. auspicijs restitutum non recipiatur. Sit sane καὶ ὁ θεὸς ἐν ταῖς ἀδικήσασιν, sed esto ὁ θεὸς ἐν ταῖς ἱσχυαῖς καὶ δόξαις.

Pro commonitione, & obtestatione hac, equidem credo Patres, & Antistites è Societate Iesu, ut sunt viri optimi, gratiam habere monitori: mihi tamen, qui rem interpretor, ut est, non obtestatio hac videtur, sed contumelia. Quid ait Vieta? quid opus hac obtestatione fuit? Putasti ne fore, ut viri prudentes, ac Religiosi, plus crederent fustur-
 ris